

QUÆSTIONES ANNO 1863

collationibus theologicis

IN ARCHIDIOECESI QUEBECENSI DISCUTIENDÆ

MENSE JANUARIO.

Petrus sacerdos cum sciat ex tractatu *de Censuris* ignorantiam excusare a censuris, sedulo abstinere a studenda iis auctoribus quos suspicatur posse sibi notas facere censuras quæ incurri possunt. Quâdam tamen die comperit se quamdam culpam gravem commisisse quæ suspensionem *ipso facto* inducit, et timet ne irregularitatem incurreret propter administrationem plurimorum sacramentorum et celebrationem missæ. Hinc anxius quærit:

- 1°. Quid sit censura et irregularitas?
- 2°. Quenam ignorantia a censuris et irregularitatibus excuset?
- 3°. Quid in casu?

Sempronius parochiam sibi assignatam ingressus, comperit in ecclesiâ extitisse jam a longo tempore consuetudinem vi ejus lampas non ardet noctu et ponitur a latere altaris.

Hinc quærit utrum talem consuetudinem omnino debeat statim reformare?

MENSE MAIO.

Titius interrogatus a confessario utrum in confessionibus præteritis sufficientem contritionem habuerit, respondet se jam a tribus annis totum incubuisse ut actum charitatis quam vehementissimum erga Deum eliceret antè confessionem et dum absolutionem reciperet; nullum vero contritionis actum propriè formalem in confessionibus eliciisse. Addit insuper se olim sedulo curavisse ut actum doloris circa peccata commissa eliceret, sed boni propositi actum formalem neglexisse.

Hinc quærit confessarius quid sentiendum de confessionibus Titii?

Bertha vidua, adhuc minor, vult iterum nubere. Quæritur utrum debeat patris consensum requirere et utrum banna publicari debeant in parochiâ patris, vel mariti defuncti, vel præsentis habitationis?

— 2 —

MENSE AUGUSTO.

Petrus sacerdos ut probabiliorem habet opinionem quæ tenet res inventas et quarum dominus inveniri non potuit, in pias causas expendendas esse. Quâdam autem die eum invenisset magnam pecuniæ summam, diligentissimè sed in vanum dominum exquisivit. Tunc secum reputare cœpit se posse eam summam sibi reservare, quia opinio supra exposita licet magis tuta et probabilior non impedit quin opinio contraria, minus tuta et minus probabilis, gravibus rationibus fulciatur et gravibus auctoribus satis probabilis videatur. Hanc igitur summam adhibuit ad constituendam dotem sorori suæ.

Sempronius autem ejus confessarius ipsi denegavit absolutionem nisi summam æquivalentem in pias causas expenderet.

Caius alter confessarius eum absolvit, nullâ restitutione impositâ.

Queritur 1°. An possit quis in praxi tenere opinionem quam judicat minùs tutam et minùs probabilem?

2°. An possit confessarius exigere ut pœnitens partem tutiorem amplectatur?

3°. Quid sentiendum de modo agendi Semproni et Caii?

Sempronius parochus utitur stolâ super cottam quando pronam facit vel prædicat in suâ parochiâ, et quando præest vespers, non autem quando confessiones audit.

Queritur an in hoc sese bene conformet legibus hujus archidiocesis?

MENSE OCTOBRI.

Caius laicus commercialem societatem inivit cum Titio heretico. Eum aliquandò secum adducit in ecclesiam occasione quarundam solemnitatum; templa heretica cum ea visitat dum celebrantur officia; de fide disputat; defuncti Titii corpus ad templum et ad cœmeterium comitatur et tandem, memor beneficiorum ejus et amicitiae, eleemosynas offert ut missæ pro eo cantentur et celebrentur.

Queritur: 1°. Quænam communicatio cum hereticis vetita sit?

2°. Quid de variis Caii communicationibus cum Titio?

3°. Quid consulendum paracho circà missas petitas?

Sempronius parochus, quando dat communionem extrâ missam, non recitat antiphonam *O Sacrum*... neque versiculos et orationem quæ in rituali romano continentur.

Queritur quinam sit verus sensus rubricæ ritualis romani circà illas preces?

[Faint, illegible text, likely bleed-through from the reverse side of the page]